

T8917 /7225 *

4

諸史將畧卷之五

東漢

陳俊料賊制勝

漢光武建武元年主自將擊尤來大搶五幡於元氏
追至北平連破之又戰於順水北乘勝輕進反爲所
敗帝僅而得免散兵歸保范陽賊雖戰勝而憚王威
名夜遂引去大軍復追至安次連戰破之賊退入漁
陽所過擄掠強弩將軍陳俊曰賊無輜重宜令輕騎
出賊前使百姓各自堅壁以絕其食道可不戰而殄

哈佛大學哈佛燕京
圖書館珍藏印

圖書印

也帝遣俊將輕騎馳出賊前視人保壁堅完者勅令固守放散在野者因掠取之賊至無所得遂散敗王謂俊曰困此虜者將軍策也

寇恂調度兵食

漢光武建武元年寇恂見光武於廣阿拜恂爲偏將軍數與鄧禹謀議禹竒之光武南定河內而更始大司馬朱鮪等盛兵據洛陽又并州未安光武難其守問於鄧禹曰諸將誰可使守河內者禹曰寇恂文武備足有牧人御兵之才非此子莫可使也乃拜恂河

內太守行大將軍事光武謂恂曰河內完富吾將因是而起昔高祖留蕭何鎮關中吾今委公以河內堅守轉運給足軍糧率厲士馬防遏他兵勿令北度而已光武於是復北征燕代恂移書屬縣講兵肄財伐淇園之竹爲矢百餘萬養馬二千匹收租四百萬斛轉以給軍朱鮪聞光武北而河內孤使討難將軍蘇茂副將賈強將兵三萬餘人度鞏河攻溫檄書至恂即勒軍馳出竝移告屬縣發兵會於溫下軍吏皆諫曰今洛陽兵度河前後不絕宜待衆軍畢集乃可出

也恂曰温郡之藩蔽失温則郡不可守遂馳赴之旦
日合戰而偏將軍馮異遣救及諸縣兵適至士馬四
集幡旗蔽野恂乃令士卒乘城鼓譟大呼言曰劉公
兵到蘇茂軍聞之陳動恂因奔擊大破之追至洛陽
遂斬賈強茂兵自投河死者數千生獲萬餘人恂與
馮異過河而還自是洛陽震恐城門書關時光武傳
聞朱鮪破河內有頃恂檄至大喜曰吾知寇子翼可
任也

鄧禹名震關西

漢光武建武元年禹自箕關將入河東河東都尉守
關不開禹攻十日破之獲輜重千餘乘進圍安邑數
月未能下更始大將軍樊參將數萬人度大陽欲攻
禹禹遣諸將逆擊於解南大破之斬參首王匡成丹
劉均等合軍十餘萬復共擊禹禹軍不利會日暮戰
罷諸將見兵勢已摧皆勸禹夜去禹不聽明日癸亥
匡等以六甲窮日不出禹因得更理兵勒衆明日匡
悉軍出攻禹禹令軍中無得妄動既至營下因傳發
諸將鼓而竝進大破之匡等皆棄軍亡走禹率輕騎

急追獲劉均遂定河東光武即位使使者持節拜禹
爲大司徒封爲鄼侯禹時年二十四是時三輔連覆
敗赤眉所過殘賊百姓不知所歸聞禹乘勝獨尅而
師行有紀皆望風相携負以迎軍降者日以千數衆
號百萬禹所止輒停車駐節以勞來之父母童穉垂
髮載白滿其車下莫不感悅於是名震關西帝嘉之
數賜書褒美諸將豪傑皆勸禹徑攻長安禹曰不然
今吾衆雖多能戰者少前無可仰之積後無轉饋之
資赤眉新拔長安財穀充實鋒銳未可當也夫盜賊

群居無終日之計財穀雖多變故萬端寧能堅守者
也上郡北地安定三郡土廣人稀饒穀多畜吾且休
兵北道就糧養士以觀其弊乃可圖也於是引軍北
至枸邑禹所到擊破赤眉別將諸營堡郡邑皆開門
歸附

馮異計破赤眉

漢光武建武三年馮異與赤眉約期會戰使壯士變
服與赤眉同伏於道側旦日赤眉使萬人攻異前部
異少出兵以救之賊見勢弱悉衆攻異異縱兵大戰

日旻賊氣衰伏兵卒起衣服相亂赤眉不復識別衆
遂驚潰追擊大破之於崤底降男女八萬人赤眉餘
衆東走宜陽帝親勒六軍嚴陣以待之赤眉忽遇大
軍驚震乃遣劉恭等乞降

先武預策解圍

漢光武建武二年董憲將賁休以蘭陵降漢憲聞之
自剡往圍之時蓋延龐萌在楚言於帝曰請往救之
帝勅曰可直往擣剡則蘭陵自解延等以賁休城危
遂先赴之憲逆戰而陽敗延等因拔圍入城明日憲

大出兵合圍延等懼遽出突走因往攻剡帝讓之曰
間欲先赴剡者以其不意故耳今既奔走賊計已立
圍豈可解乎延等至剡果不能克而董憲遂拔蘭陵
殺賁休

王霸垂惠全勝

漢光武建武五年蘇茂將五校兵救周建於垂惠初
帝遣馬武王霸圍劉紆周建於垂惠至是蘇茂救之
馬武爲茂建所敗奔過王霸營大呼求救霸曰賊兵
盛出必兩敗努力而已乃閉營堅壁軍吏皆爭之霸

言身中晚卷五
五
曰茂兵精銳其衆又多吾吏士心恐而捕虜與我相恃兩軍不一此取敗之道也今固營閉守示不相救賊必乘勝輕進捕虜無救其戰自信如此茂衆疲勞吾乘其敝乃可克也茂建果悉出攻武合戰良久霸軍中壯士數人斷髮請戰霸乃開營後出精騎襲其背茂建前後受敵敗走霸武各歸營茂建復聚兵挑戰霸堅卧不出方饗士作倡樂茂雨射營中中霸前酒罇霸安坐不動軍吏皆曰茂前已破今易擊也霸曰不然蘇茂周建客兵遠來糧食不足故數挑戰以

徼一時之勝今閉營休士所謂不戰而屈人之兵者也茂建既不得戰乃引還營其夜周建兄子誦反閉城拒之建於道死茂奔下邳與董憲合果如霸計

耿弇次第平齊

漢光武建武五年耿弇討張步聞其來使大將軍費邑軍歷下及令兵屯祝阿於泰山鍾城列營數十里以待之弇渡河先擊祝阿拔之開圍一角令其衆得奔歸鍾城鍾城人聞祝阿已潰大恐空壁亡去費邑分遣弟敢守巨里弇進兵先脅巨里嚴令軍中趣

言身中四卷五
十一
修攻且後三日當悉力攻巨里城陰緩生口令得亡
歸以奔期告邑邑至日果自將精兵三萬來救之奔
喜謂諸將曰吾所以脩攻具者欲誘之至耳野兵不
擊何以城爲即分兵三千人守巨里自引精兵上岡
阪乘高合戰大破之臨陣斬費邑既而收首級以示
城中城中兇懼費敢悉衆亡歸張步奔復縱兵擊諸
未下者乎四十餘營遂定濟南時張步都劇使其弟
藍將精兵二萬守西安諸郡太守合萬餘人守臨菑
相去四十里奔進軍畫中居二城之間奔視西安城

而堅且藍兵又精臨菑名雖大而實易攻乃勅諸
將後五日會攻西安藍聞之晨夜警守至期半夜奔
勅諸將皆蓐食會明至臨菑城護軍荀梁等爭之以
爲攻臨菑西安必救之攻西安臨菑不能救不如攻
西安奔曰不然西安聞吾欲攻之日夜爲備方自憂
何暇救人臨菑出不意而至必驚擾吾攻之一日必
拔拔臨菑則西安孤與劇隔絕必亡去所謂擊一而
得二也若先攻西安不能卒下頓兵堅城死傷必多
縱能拔之藍引軍還奔臨淄并兵合勢觀人虛實吾

深入敵地後無轉輸旬日之間不戰而困矣遂攻臨菑半日拔之入據其城張藍聞之將其衆亡歸劇奔乃令軍中無得擄掠須張步至乃取之以激步步聞大笑曰以尤來大捨十餘萬衆吾皆即其營而破之今大耿兵少於彼又皆疲勞何足懼乎乃與三弟藍弘壽及故大彤渠帥重異等兵號二十萬至臨菑大城東將攻奔於是奔先出菑水上與重異遇奔故示弱以盛其氣乃引歸小城陣兵於內使都尉劉歆太守陳俊分陣於城下步氣盛直攻奔營與劉歆

等合戰奔視歆等鋒交乃自引精兵以橫突步陣於東城下大破之至暮罷明日復勒出兵是時帝在魯聞奔爲步所攻自往救之未至陳俊謂奔曰劇虜兵盛可且閉營休士以須上來奔曰乘輿且到臣子當擊牛醢酒以待百官反欲以賊遺君父耶乃出兵大戰自旦及昏復大破之奔知步困將退預置左右翼爲伏以待之人定時步果引去伏兵起縱擊追至龜水相屬步奔劇兄弟各分兵散去後數日車駕至臨菑親自勞軍群臣大會帝謂奔曰昔韓信破

歷下以開基今將軍攻祝阿以發迹此皆齊之西界
功足相方而韓信襲擊已降將軍獨拔勅敵又難於
信將軍前在南陽建此大策不常以爲落落難合有志
者事竟成也帝進幸劇奔復趨奔平壽蘇茂將兵救
張步斬蘇茂詣奔軍其二弟自繫以降齊地悉定

光武親破龐萌

漢光武建武五年平敵將軍龐萌反與董憲劉紆蘇
茂佼疆共圍桃城光武時幸蒙聞之乃留輜重自將
輕兵晨夜馳赴至亢父或言百官疲倦可且止宿上

不聽復行十里宿任城去桃城六十里旦日諸將請
進龐萌等亦勒兵挑戰帝令諸將不得出休士養銳
以挫其鋒時吳漢等在東郡馳使召之萌等驚曰數
百里晨夜行以爲至當戰而堅坐任城致人城下真
不可往也乃悉兵攻桃城城中聞車駕至衆心益固
萌等攻二十餘日衆疲困不能下吳漢王常蓋延王
梁馬武王霸等皆至帝乃率衆軍進救桃城親自搏
戰大破之龐萌蘇茂佼疆夜走從董憲秋七月丁丑
帝幸沛進幸湖陵董憲與劉紆悉其兵數萬人屯昌

慮憲招誘五校餘賊與之拒守建陽帝至蕃去憲所
百餘里諸將請進帝不聽知五校乏食當退勅各堅
壁以待其敝頃之五校果引去帝乃親臨四面攻憲
三日大破之佼疆將其衆降蘇茂犇張步憲及龐萌
走保郟八月己酉帝辛郟留吳漢攻之車駕轉徇彭
城下邳吳漢拔郟董憲龐萌走保胸劉紆不知所歸
其軍士高扈斬之以降

馮異栒邑據利

漢光武建武六年隗囂反使其將王元據隴坻漢諸
將與戰大敗而還帝詔耿弇軍涿馮異軍栒邑祭遵
軍汧吳漢等還屯長安馮異引軍未至栒邑囂乘勝
使王元行巡將二萬餘人下隴分遣巡取栒邑異即
馳兵欲先據之諸將曰虜兵盛而乘勝不可與爭鋒
宜止軍便地徐思方畧異曰虜兵壓境怙狀小利遂
欲深入若得栒邑三輔動搖夫攻者不足守者有餘
今先據城以佚待勞非所以爭也潛往閉城偃旗鼓
行巡不知馳赴之異卒擊鼓建旗而出巡軍亂驚奔
走追擊大破之祭遵亦破王元汧汧是北地諸豪

長耿定等悉叛囂降漢

來歙襲據畧陽

漢光武建武八年帝親征隗囂先來歙伐山關道從
番須囿中徑襲畧陽斬囂守將金梁囂大驚曰何其
神耶帝聞得畧陽甚喜曰畧陽囂所依阻心腹已壞
則制其支體易矣吳漢等諸將聞歙據畧陽爭馳赴
之上以囂失所恃亡其要城勢必悉以精銳來攻曠
日久圍而城不拔士卒頓敝乃可乘危而進皆追漢
等還囂果使王元拒隴坻行巡守番須口王孟塞雞

不屈恟怒將誅之諸將諫曰高俊精兵萬人卒多強
弩西遮隴道連年不下今欲降之而戮其使無乃不
可乎恟不應遂斬之遣其副歸告俊曰軍師無禮已
戮之矣欲降急降不欲降固守俊惶恐即日開門降
諸將賀恟曰敢問戮其使而降其將何也恟曰皇甫
文俊之腹心其所取計者也今來辭意不屈必無降
心全之則文得其計殺之則俊亡其膽是以降耳諸
將曰非所及也

臧宮鋸限疑敵

漢光武建武十一年臧宮以侍中騎尉將兵至中廬
屯駱越。是時公孫述將田戎任滿與征南大將軍岑
彭相拒於荆門。彭等戰數不利。越人謀畔。從蜀宮兵
少。方不能制。會屬縣送委輸車數百乘。至宮夜使鋸
斷城門限。令車聲回轉。出入至旦。越人候伺者聞車
聲不絕。而門限斷。相告以漢兵大至。其渠帥乃奉牛
酒以勞軍。宮陳兵大會。擊牛醢酒饗賜。慰納之。越人
由是遂安。

岑彭襲拔武陽

漢光武建武十一年帝自將征蜀。秋七月次長安。公
孫述使其將延岑呂鮪王元公孫恢悉兵拒廣漢。及
資中。又遣將侯丹率二萬餘人拒黃石岑。彭使臧宮
將降卒五萬從涪水上平曲。拒延岑。自分兵浮江下
還江州。沂都江而上。襲侯丹。大破之。因晨夜倍道。兼
行二千餘里。徑拔武陽。使精騎馳擊廣都。去成都數
十里。勢若風雨。所至皆奔散。初述聞漢兵在平曲。故
遣大兵逆之。及彭至武陽。迭出延岑。後蜀地震。駭述
大驚。以杖擊地曰。是何神也。延岑盛兵於沅水。臧宮

衆多食少轉輸不至降者皆欲散叛郡邑復更保聚
觀望成敗宮欲引還恐爲所及會帝遣謁者將兵詣
彭有馬七百匹宮矯制取以自益晨夜進兵多張旗
幟登山鼓譟左步右騎挾船而引呼聲動山谷岑不
意漢軍卒至登山望之大震恐宮因縱擊大破之斬
首溺死者萬餘人水爲之濁延犇成都其衆悉降軍
至陽鄉王元舉衆降帝與公孫述書言禍福示以冊
青之信述不從

馬援擊破先零

漢光武建武十一年先零寇反自王莽末西寇寇邊
遂入居塞內金城屬縣多爲虜有來歙奏言隴西侵
殘非馬援莫能定拜援隴西太守援廼發步騎三千
人擊破先零寇於臨洮斬首數百級獲馬牛羊萬餘
頭守塞諸寇八千餘人詣援降諸種有數萬屯聚寇
鈿拒浩疊隘援與楊武將軍馬成擊之寇因將其妻
子輜重移阻於允吾谷援乃潛行間道掩赴其營寇
大驚壞復遠徙唐翼谷中援復追討之寇引精兵聚
北山上援陳軍向山而分遣數百騎繞襲其後乘夜

放火擊鼓叫譟虜遂大潰凡斬首千餘級援以兵少不得窮追收其穀糧畜產而還

吳漢劉尚平蜀

漢光武建武十二年吳漢破公孫述將魏黨公孫永於魚涪津遂圍武陽述遣子婿史興救之漢迎擊破之因入捷爲界諸縣皆城守詔漢直取廣都據其腹心漢乃進軍攻廣都拔之遣輕騎燒成都市橋帝戒吳漢曰成都十餘萬衆不可輕也但堅據廣都待其來攻勿與爭鋒若不敢來轉營迫之須其疲乃可擊

也漢乘利遂自將步騎二萬進逼成都去城十餘里阻江北營作浮橋使劉尚將萬餘人屯於江南爲營相去二十餘里帝聞之大驚曰比敕公千條萬端何意臨事悖亂既輕敵深入又與尚別營事有緩急不復相及賊若出兵綴公以大衆攻尚尚破公即敗矣幸無他事急引兵還廣都詔書未到九月述果使其大司徒謝豐執金吾袁吉將衆十餘萬分爲二十餘營出攻漢使別將將萬餘人劫劉尚令不得相救漢與大戰一日兵敗走入壁豐因圍之漢乃召諸將勵

之曰吾與諸君踰越險阻轉戰千里遂深入敵地至其城下而今與劉尚二處受圍勢不得相接其禍難量欲潛師就尚與江南并兵禦之若得同心一力人自爲戰大功可立如其不然敗必無餘成敗之機在此一舉諸將皆曰諾於是饗士秣馬閉營三日不出乃多樹旗幟使煙火不絕夜銜枚引兵與尚合軍豐等不覺明日乃分兵拒水北自將攻江南漢悉兵迎戰大破之斬豐吉於是引還廣都留尚拒述具以狀聞而深自譴責帝報曰公還廣都甚得其宜述必不

敢畧尚而擊公也若先攻尚公從廣都五十里悉步騎赴之適當其危困破之必失自是漢與述戰於廣都成都之間八戰八克遂軍其郭中臧宮拔綿竹破涪城斬弘恢復攻拔繁郫與吳漢會於成都述因困急悉散金帛募敢死士五千餘人以配延岑岑襲擊破漢漢墮水緣馬尾得出漢軍餘七日糧陰具船欲遁去蜀郡太守張堪聞之馳往見漢說述必敗不宜退師之策漢從之冬十一月臧宮軍咸陽門述自將數萬人攻漢使延岑扼宮大戰岑三合三勝自旦至

口中軍士不得食竝疲漢因使護軍高午唐邯將銳卒數萬擊之述兵大亂高午犇陣刺述洞胷墮馬左右輿入城述以兵屬延岑其夜死明日延岑以城降

庶范爇燭誑虜

漢明帝永平十六年秋北匈奴大入雲中太守庶范拒之吏以衆少欲移書傍郡求救范不許會日暮范令軍士各縛兩燭三頭爇火營中星列虜謂漢兵救至大驚待旦將退范令軍中蓐食晨從赴之斬首數百級自相躡藉死者千餘人由此不敢向雲中

耿恭竭誠退虜

漢明帝永平十六年以耿恭爲戊巳校尉屯後王部金蒲城謁者關寵爲戊巳校尉屯前王柳中城屯各置數百人恭至部移檄烏孫示漢威德大昆彌已下皆歡喜遣使獻名馬願遣子入侍恭乃發使齎金帛迎其侍子明年北單于遣左鹿蠡王二萬騎擊車師恭遣司馬將兵三百人救之道逢匈奴騎多皆爲所敗匈奴遂破殺後王安得而攻金蒲城恭乘城搏戰以毒藥傳矢傳語匈奴曰漢家箭神其中瘡者必有

異因發疆弩射之虜中矢者視創皆沸遂大驚會天
暴風雨隨雨擊之殺傷甚衆匈奴震懼相謂曰漢兵
神真可畏也遂解去恭以䟽勒城傍有澗水可固乃
引兵據之匈奴復來攻恭恭募先登數千人直馳之
胡騎散走匈奴遂於城下擁絕澗水恭於城中穿井
十五丈不得水吏士渴乏笮馬糞汁而飲之恭仰嘆
曰聞昔二師將軍拔佩刀刺山飛泉湧出今漢德神
明豈有窮哉乃整衣服向井再拜爲吏士禱有頃冰
泉奔出衆皆稱萬歲乃令吏士揚水以示虜虜出不

意以爲神明遂引去

班超以少擊衆

漢明帝永平十六年班超爲假司馬與從事郭恂俱
使西域超到鄯善鄯善王廣奉超禮意甚備後忽更
疎解超謂其官屬曰寧覺廣禮意薄乎此必有北虜
使來狐疑未知所從故也明者睹未萌况已著邪乃
召侍胡詐之曰匈奴使來數日今安在乎侍胡惶恐
具服其狀超乃閉侍胡悉會其吏士三十六人與共
飲酒酣因激怒之曰卿曹與我俱在絕域欲立大功

以求富貴今虜使到裁數日而王廣禮意即廢如令
鄯善收吾屬送匈奴骸骨長爲豺狼食矣爲之柰何
官屬皆曰今在危亡之地死生從司馬超曰不入虎
穴不得虎子當今之計獨有因夜以火攻虜使彼不
知我多少必大震懼可殄盡也滅此虜則鄯善破膽
功成事立矣衆曰當與從事議之超怒曰吉凶決於
今日從事文俗吏聞此必恐而謀泄死無所名非壯
士也衆曰善初夜遂將吏士往奔虜營會天大風超
令十人持鼓藏虜舍後約曰見火然皆當鳴鼓大呼

餘人悉持兵弩夾門而伏超乃順風縱火前後鼓譟
虜衆驚亂超手格殺三人吏兵斬其使及從士三十
餘級餘衆百人許悉燒死明日乃還告鄯善大驚
既而色動超知其意舉手曰掾雖不行班超何心獨
擅之乎恂乃悅超於是召鄯善王廣以虜使首示之
一國震懼超曉告撫慰遂納子爲質

班超威震西域

漢章帝章和元年西域長史班超發于寘諸國兵二
萬人擊莎車龜茲王發溫宿等兵合五萬救之超曰

今兵少不敵可各散去須夜鼓聲而發陰緩所獲生口龜茲王聞之大喜自以萬騎於西界遮超温宿王將八千騎於東界微于真超知二虜已出密召諸部勒兵雞鳴馳赴莎車營胡大驚亂奔走莎車遂降龜茲等各退散自是威震西域

鄧訓安定羌胡

漢章帝章和二年隴西太守張紆征羌寇屢叛公卿舉故張掖太守鄧訓代張紆爲護羌校尉迷唐率兵萬騎來至塞下未敢攻訓先欲脅小月氏胡訓擁衛

小月氏胡令不得戰議者咸以羌胡相攻縣官之利不宜禁護訓曰張紆失信衆羌大動涼州吏民命縣絲髮原諸胡所以難得意者皆恩信不厚耳今因其迫急以德懷之庶能有用遂令開城及所居園門悉驅群胡妻子內之嚴兵守衛羌掠無所得又不敢逼諸胡因即解去由是湟中諸胡皆言漢家常欲鬪我曹今鄧使君待我以恩信開門內我妻子乃是得父母也咸歡喜叩頭曰唯使君所命訓遂撫養教諭大小莫不感悅

實憲燕山勒石

漢和帝永元元年實憲耿秉出朔方塞與比單于戰于稽落山大破之單于遁走斬獲甚衆降二十餘萬出塞三千餘里登燕山命中護軍班固刻石勒功紀漢威德而還

班超智困月氏

漢和帝永元二年月氏求尚公主班超拒還其使由是怨恨遣其副王謝將兵七萬攻超超衆少皆大恐超譬軍士曰月氏兵雖多然數千里踰葱嶺而來非

有運輸何足憂也但當收谷堅守彼饑窮自降不過數十日矣美謝攻超不下虜掠無所得超度其必從龜茲求食乃遣兵數百於東界要之謝果遣騎賂龜茲伏兵遮擊盡殺之持其首示謝謝大驚請罪由是歲奉貢獻

虞詡增竈破賊

漢安帝元初二年虞詡爲武都太守寇衆數千遮詡於陳倉嶠谷詡即停車不進宣言上書請兵須到當發寇聞之乃分鈔傍縣詡因其兵散日夜進道無行

百餘里令吏士各作兩竈日增倍之羗不敢逼或問
孫臏戒竈而君增之兵法夜不過三十里以戒不虞
今日夜且二百里何也詔曰虜衆多吾兵少徐行則
爲所及速進則彼不測增竈必謂郡兵來迎衆多行
速必憚進逼我孫臏示弱吾今示強勢有不同故也
既到郡兵不滿三千而羗衆萬餘攻圍赤亭數十日
詔令軍中強弩勿發而潛發小弩羗以爲矢力弱并
兵急攻詔於是使二十強弩共射一人無不中羗大
震退詔因出兵奮擊多所殺傷明日悉陳其兵衆令
東郭門出北郭門入貿易衣服回轉數週羗不知其
數更相恐懼詔計賊當退潛遣五百餘人於淺水設
伏候其走路虜果大奔因掩擊大破之斬獲甚衆由
是敗散一郡遂安

張奐化服羗胡

漢桓帝永壽元年以張奐爲安定屬國都尉初到職
而南匈奴左薁鞬臺耆且渠伯德等七千餘人寇美
稷東羗復舉種應之而奐壁唯有二百許人聞即勒
兵而出軍吏以爲力不敵叩頭爭止之奐不聽遂進

屯長城收集兵士遣將王衛招誘東羌因據龜茲使
南匈奴不得交通東羌諸豪遂相率與匈和親共擊
莫鞬等連戰破之伯德惶恚將其衆降郡衆以寧羌
豪帥感匈恩德上馬二十四先零酋長又遺金鍊八
枚與竝受之而召主簿於諸羌前以酒酹地曰使馬
如羊不以入厩使金如粟不以入懷悉以金馬還之
羌性貪而貴吏清前有八都尉率好貨爲所患苦及
與正身潔已威化盛行延禧元年遷使匈奴中郎將
時屠各及朔方烏桓竝行反叛燒度遼將軍門引屯

赤阬煙火相望兵衆大恐各欲亡去與坐帷中與第
子講誦自若軍士稍安乃潛誘烏桓陰與通和遂使
斬屠各渠帥襲破其衆諸胡悉降

度尙焚營平賊

漢桓帝延熹七年荊州刺史度尙募諸蠻夷擊艾縣
賊大破之降者數萬桂陽宿賊上陽潘鴻等逃入深
山尙破其三屯多獲珍寶陽鴻黨衆猶盛尙欲擊之
而士卒驕富莫有鬪志尙計緩之則不戰逼之必逃
亡乃宣言兵少未可進當須諸部所發悉至乃并力

攻之申令軍中恣聽射獵兵喜皆出尚乃密使人焚其營獵者來還莫不泣涕尚人人慰勞深自責咎因曰陽等財寶已當數世諸卿但不并力耳所亡少少何足介意衆咸憤踊尚敕令秣馬蓐食明日徑赴賊屯陽等自以深固不復設備吏士乘銳遂破平之

段熲謀討東羌

漢靈帝建寧元年護羌校尉段熲既定西羌東羌先零等種猶未服度遼將軍皇甫規中郎將張奐招之連年既降又叛桓帝詔問熲曰先零東羌造惡反逆

而皇甫規張奐各擁強衆不時輯定欲令熲移兵東討未識其宜可參思術畧熲上言曰臣伏見先零東羌雖數叛逆而降於皇甫規者已二萬許落善惡既分餘寇無幾今張奐躊躇久不進者當慮外離內分兵往必驚且自冬踐春屯結不散人畜疲羸有自亡之勢欲更招降坐制強敵耳臣以爲狼子野心難以恩納勢窮雖服兵去復動唯當長矛挾脅白刃加頸耳計東種所餘三萬餘落近居塞內路無險折非有燕齊秦趙從橫之勢而又亂并涼累侵三輔西河上

郡已各內徙安定北地復至單危自雲中五原西至漢陽二千餘里匈奴諸羗竝擅其地是爲癰疽伏疾留滯脅下如不加誅轉就滋大若以騎五千步萬人車三千兩三冬二夏足以破定無慮用費爲錢五十萬四億如此則可令群羗破盡匈奴長服內徙郡縣得反本土伏討承初中諸羗反叛十有四年用二百四十億永和之末復經七年用八十餘億費耗若此猶不誅盡餘孽復起于茲作害今不暫疲民則永寧無期臣庶竭駑劣伏待節度帝許之悉聽如所上頰於

是將兵萬餘人齎十五日糧從彭陽直指高平與先零諸種於逢義山虜兵盛類衆皆恐頰乃令軍中長鏃利刃長矛三重挾以強弩列輕騎爲左右翼謂將士曰今去家數千里進則事成走必盡死努力共功名因大呼衆皆應聲騰赴馳騎於傍突而擊之虜衆大潰斬首八千餘級

楊璇馬車平盜

漢靈帝光和三年蒼梧桂楊賊攻郡縣零陵太守楊璇制馬車數十乘以排囊盛石灰於車上繫布索於

馬尾又爲兵車專毅弓弩及戰令馬車居前順風鼓
灰賊不得視因以火燒布布然馬驚奔突賊陣因使
後車弓弩亂發鉦鼓鳴震群盜波駭破散追斬數萬
梟其渠帥郡縣以清

皇甫長社火攻

漢靈帝中平元年朱雋與賊波才敵戰敗遂圍皇甫
嵩於長社依草結營會大風嵩敕軍士皆束燭乘城
使銳士間出圍外縱火大呼城中舉燎應之嵩從城
中鼓譟而出犇擊賊陣賊驚亂奔走會騎都尉沛國

曹操將兵適至合軍與戰大破斬首數萬級

皇甫嵩能恤士

漢靈帝中平元年皇甫嵩討張角角死其弟梁領其
衆與嵩戰梁衆精勇嵩不能克乃閉營休士伺賊少
懈潛夜勒兵雞鳴馳赴其陣戰至曉時大破之斬梁
獲首二萬溺死五萬人剖角棺傳首京師復攻梁弟
寶於下曲陽斬之斬獲十萬餘人嵩能卹士卒每軍
行頓而止須營幔脩立然後就舍軍士皆食爾乃嘗
飯故所向有功

朱雋殄滅黃巾

漢靈帝中平元年朱雋擊南陽黃巾連破之張曼成
餘黨更以趙弘爲帥衆十餘萬據死城朱雋圍之不
拔有司奏徵雋司空張溫上疏曰臨軍易將兵家所
忌宜假月日責其成功帝乃止雋擊弘斬之賊帥韓
忠復據宛拒雋雋鳴鼓攻其西南賊悉赴之雋自將
精卒掩其東北乘城而入忠乃退保小城乞降諸將
欲聽之雋曰兵固有形同而勢異者秦項之際民無
定主故賞附以勸來耳今海內一統唯黃巾造逆納

降無以勸善討之足以懲惡今若受之更開逆意使
賊利則進戰鈍則乞降縱敵長寇非良計也因急攻
連戰不克登上山望之顧司馬張超曰吾知之矣賊
今外圍周固內營逼急乞降不受欲出不得所以死
戰也萬人一心猶不可當况十萬乎不如撒圍并兵
入城忠見圍解勢必自出自出則意散易破之道也
既而圍解忠果出戰雋因擊之大破之斬首萬餘級
南陽太守秦頡殺忠衆復奉孫夏爲帥屯宛雋急攻
之司馬孫堅率衆先登拔城夏走追破之於是黃巾

破散其餘州郡所誅一郡數千人

皇甫嵩知兵法

漢靈帝中平六年皇甫嵩討王國董卓謂曰陳倉圍急請速救之嵩曰不然百戰百勝不如不戰而屈人之兵是以先爲不可勝以待敵之可勝陳倉雖小城守固備未易可拔王國雖強攻陳倉不下其衆必疲疲而擊之全勝之道也國攻陳倉八十日不拔疲敝解去嵩進兵擊之卓曰窮寇勿迫歸衆勿追嵩曰不然前吾不擊避其銳也今而擊之待其衰也所擊疲

師非歸衆也國衆且走莫有鬪志以整擊亂非窮寇也遂獨進速戰大破之斬首萬餘級

諸史將畧卷之五畢

諸史將畧卷之六

三國

孫堅起兵討賊

漢獻帝初平元年長沙太守孫堅舉兵討董卓

勅并州刺史王

前主陽衆數萬人南陽太守張咨不肯給軍糧誘而斬

之郡中震慄至魯陽與袁術合兵術出是得據南陽

表堅行破虜將軍領豫州刺史堅與官屬會飲於魯

陽城東卓步騎數萬卒至堅方行酒談笑整頓部曲

無得妄動後騎漸益堅徐罷坐導引入城西乃口向

堅所以不起者恐兵相蹈藉諸君不得入耳卓兵見其整不敢擊而還堅移屯梁東爲卓將徐榮所敗復收散卒進屯陽人卓遣東郡太守胡軫督步騎五千擊之以呂布爲騎督軫與布不相得堅出擊大破之梟其都督華雄卓遣將軍李傕說堅欲和親令堅疏子弟任刺史郡守者許表用之堅曰卓逆天無道今不夷汝三族縣示四海吾死不瞑目豈將與乃和親耶復進軍大谷距雒九十里卓自出與堅戰於諸陵卓敗走却屯澠池聚兵於陝堅進至雒陽擊呂布復

破走堅乃掃除宗廟祠以大牢得傳國璽於城南甄官井中分兵邀卓卓謂其下曰關東軍敗數矣皆畏孤無能爲也惟孫堅小戇頗能用人當語諸將使知忌之

袁紹敗公孫瓚

漢獻帝初平三年袁紹自出拒公孫瓚初公孫瓚以弟越死由紹起兵攻紹冀州諸城俱叛紹從瓚至是紹出與瓚戰界橋南二十里瓚兵三萬甚銳紹令麴義領精兵八百先登彊弩千張夾承之瓚輕其兵少

縱騎騰之義兵伏楯下不動未至十步一時同發謹呼動天地大敗瓚軍斬其將嚴綱追至瓚營拔其牙門餘衆皆走

孫策決計渡江

漢獻帝興平元年孫策往見袁術術甚奇之然未肯還其父兵令往丹陽依舅吳景召募策依舅氏募得百餘人爲涇縣大帥祖郎所襲幾危復往見術術以堅餘兵千餘還之拜策懷義校尉許策以九江太守不果又令攻廬江若得即與策策拔廬江又不與失

多然火爲疑兵分軍投杳瀆道襲高遷屯朗大驚遣周昕逆戰策破斬之朗遁去策追擊大破之朗乃降策領會稽太守

荀攸謀擒呂布

漢獻帝建安三年荀攸從曹操征呂布至下邳布敗圍守攻之不拔連戰士卒疲宮公欲還攸與郭嘉說公曰呂布勇而無謀今三戰皆北其銳氣衰三軍以將爲主主衰則軍無奮意且布之謀主陳宮有智而遲今及布氣衰而未復宮謀而未定進急攻之可拔

也乃引沂泗灌城衆潰生擒布

曹操鑿險僞遁

漢獻帝建安二年曹操復擊張繡荀攸曰繡與劉表相恃爲強然繡以遊軍仰食於表表不能供也勢必乖離不如緩之可以誘而至也若急之其勢必相救操不從圖繡于穰初田豐說袁紹襲許不從紹亡卒有以袁紹謀襲許白操操解穰圍而還張繡率兵追之劉表遣兵救繡屯於安衆守險以絕軍後操與荀彧書曰吾到安衆破繡必矣及到安衆操軍前後受

敵操乃夜鑿險僞遁表悉軍來追操縱奇兵步騎夾攻大破之或問其故操曰虜過吾歸師而與吾死地吾是以知勝矣

曹操屢破袁紹

漢獻帝建安五年袁紹移檄州郡數曹操罪惡二月紹進軍黎陽遣將顏良攻劉延於白馬操將北救劉延荀攸曰今兵少不敵必分其勢乃可公到延津若將渡兵向其後者紹必西應然後輕兵襲白馬掩其不備顏良可擒也操從之紹聞兵渡即分兵西操乃

引兵趨白馬良來逆戰關羽望見良麾蓋策馬刺良於萬衆之中斬其首而還紹軍莫能當遂解白馬之圍徙其民而西紹渡河追之軍至延津南操勒兵駐營南阪下令騎解鞍放馬是時白馬輜重就道諸將以爲敵騎多不如還保營荀攸曰此所以餌敵如何去之操顧攸而笑紹騎將文醜與劉備將五六千騎前後至諸將白可上馬操曰未也有頃騎至稍多或多分趨輜重操曰可矣乃皆上馬縱擊大破之斬醜醜良皆紹名將再戰擒之紹軍奪氣操軍還官渡紹

軍陽武八月紹進營稍前東西數十里操亦分營與相當出兵與紹戰不勝復還堅壁紹爲高櫓起土山射營中操爲霹靂車發石擊紹樓皆破又爲地道攻操操內爲長塹以拒之操衆少糧盡士卒疲之百姓多叛操與荀彧書議欲還許以致紹師彧報曰紹悉衆聚官渡欲與公決勝敗公以至弱當至強若不能制必爲所乘是天下之大機也且紹布衣之雄耳能聚人而不能用以公之神武明哲而輔以大順何向而不濟今穀食雖少未若楚漢在滎陽成臯間也是

時劉項莫肯先退者以先退則勢屈也公以十分居一之衆畫地而守之搯其喉而不得進已半年矣情見勢竭必將有變此用奇之時不可失也操乃堅壁持之會許攸家犯法紹收繫之攸恐遂犇操操聞其來跣出迎之撫掌笑曰子卿遠來吾事濟矣既入坐謂操曰袁氏軍盛何以待之今有幾糧乎操曰尚可支一歲攸曰無是更言之曰可支半歲攸曰足下不欲破袁氏邪何言之不實也操曰向言戲之耳其實可支一月爲之柰何攸曰袁氏輜重萬餘乘在故市

烏巢屯軍無嚴備若以輕兵襲之燔其積聚不過三日袁氏自敗也操大喜乃留荀攸曹洪等守營自將步騎五千用袁軍旗幟銜枚繫馬口夜從間道出人抱束薪至屯放火然中驚亂會明淳于瓊等望見操軍少出陳門外操急擊之瓊退保營操遂攻之紹聞操擊瓊於烏巢謂子譚曰就操破瓊吾拔其營彼固無所歸矣乃使其將高覽張郃等攻操營郃曰曹公精兵往必破瓊瓊等破則事去矣請先救之紹但遣輕騎救瓊而以重兵攻營不能下紹騎至烏巢操士

言史中四卷六
卒死戰大破之斬瓊等盡燔其糧穀紹軍恟懼張郃
與高覽焚其攻具詣操營降於是紹軍驚擾大潰紹
與八百騎渡河走操追之不及盡收其輜重圖書珍
寶餘衆降者盡阬之前後所殺七萬餘人紹遂棄弱
以至於亡

關羽報効曹操

漢獻帝建安五年曹操拜關羽爲偏將軍禮之甚厚
先是劉備與車騎將軍董承謀誅曹操操用郭嘉計
擊備破之進拔下邳禽羽羽既爲操解白馬之圍曹

公即表封羽爲漢壽亭侯初曹公壯羽爲人而察其
心神無久留之意謂張遼曰卿試以情問之既而遼
以問羽羽歎曰吾極知曹公待我厚然吾受劉將軍
厚恩誓以共死不可背之吾終不留吾要當立功以
報曹公乃去遼以羽言白曹公義之及羽殺顏良曹
公知其必去重加賞賜羽盡封所賜拜書告辭而奔
先主於袁軍左右欲追之曹公曰彼各爲其主勿追
也

張飛當陽捍敵

諸史中略卷六
漢獻帝建安五年先主依劉表表卒曹操入荊州先
主奔江南曹公追之一日一夜及於當陽之長阪先
主聞曹公卒至棄妻子使飛將二十騎拒後飛據水
斷橋瞋目橫矛曰吾是張翼德也可來共決死敵皆
無敢近者故遂得免

孔明預定三分

漢獻帝建安十二年劉備見諸葛亮初亮寓居襄陽
隆中每自比管仲也小毅時人莫之許也惟潁川徐庶
與崔州平謂為信也州平列之子也劉備在荊州時

士於襄陽司馬徽徽曰儒生俗士豈識時務識時務
者在乎俊傑此間自有伏龍鳳雛備問為誰曰諸葛
孔明龐士元也徐庶見備於新野備器之庶謂備曰
諸葛孔明卧龍也將軍豈願見之乎備曰君與俱來
庶曰此人可就見不可屈致也將士宜枉駕顧之備
由是詣亮凡三往乃見因屏人曰漢室傾頽姦臣竊
命孤不度德量力欲信大義於天下而智術淺短遂
用猖蹶至于今日然志猶未已君謂計將安出亮曰
今曹操已擁百萬之衆挾天子而令諸侯此誠不可

與爭鋒孫權據有江東已歷三世國險而民附賢能
爲之用此可與爲援而不可圖也荆州北據漢沔利
盡南海東連吳會西通巴蜀此用武之國而其主不
能守此殆天所以資將軍也益州險塞沃野千里天
府之士劉璋闇弱張魯在北民殷國富而不知存恤
智能之士思得明君將軍既帝室之胄信義著於四
海若跨有荆益保其巖阻撫和戎越結好孫權內脩
政治外觀時變則霸業可成漢室可興矣備曰善

李孚出入堅圍

漢獻帝建安十三年袁尚出屯於平原使其將審配
守鄴曹操攻鄴城袁尚聞鄴急棄平原而來救守入
城以計事至暮李孚請行尚曰當何所辨孚曰今鄴
圍甚堅多人則不可孚乃自選溫信者三人不示其
謀各給駿馬令釋戎器孚自著平上幘將三騎投暮
直抵鄴下自稱曹公都督巡歷圍壘所過呵責失候
者輒捶之自東歷西徑入曹公營當城門復怒守圍
者縛之因開圍馳入城下配以繩引之孚得入城中
鼓譟皆呼萬歲守圍者以狀聞操咲曰此非徒入方

且復出孚計事訖欲還而外圍益急謂配曰城中穀少無用老弱為也不如驅出之以省穀也配從之乃夜簡得一千人皆令持白幡秉脂燭從三門而出請降孚將所乘騎隨降人而出時守圍吏聞城中悉降火光照曜但共觀火不復視圍孚乃歸尚明日曹公聞孚已得去曰果如吾言

周瑜赤壁破曹

漢獻帝建安十三年曹操擊劉表表卒其子琮舉州降操遂自江陵順流東下遣孫權書曰近者奉辭伐

罪旌麾南指劉琮束手今治水軍八十萬方與諸將軍會獵於吳權以示群下莫不失色張昭等歡迎之魯肅獨不言權知其意密問之肅曰向察衆人之議專欲誤將軍不足與圖大事今肅可迎操耳如將軍不可也何以言之肅迎操操當以肅還鄉黨品其名位猶不失下曹從事將軍迎操欲安所歸乎願早定大計莫用衆人之議也權歎息曰諸人持議甚失孤望今卿開廓大計正與孤同時周瑜受使至番陽肅勸權召瑜還瑜至謂權曰操雖名托漢相實漢賊也

將軍以神武雄才無仗父兄之烈割據江東地方數千里兵精足用英雄樂業當橫行天下為國家除殘去穢况操自送死而可迎之耶請為將軍籌之今北土未平馬超韓遂為之後患而操舍鞍馬仗舟楫與吳越爭衡又今盛寒馬無橐草驅中國士眾遠涉江湖之間不習水土必生疾病此數者用兵之患也而操皆冒行之將軍擒操宜在今日瑜請得精兵數萬人進住夏口保為將軍破之權曰老賊欲廢漢自立久矣徒忌二袁呂布劉表與孤耳今數雄已滅惟孤

尚存孤與老賊勢不兩立君言當擊甚與孤合此天以君授孤也拔刀斫前奏案曰諸將吏敢復有言當迎操者與此案同是夜瑜復見權定議願得精兵五萬人自足制之權因撫瑜背曰公瑾卿言至此甚合孤心五萬兵難卒合已選三萬人船種戰具俱辦卿與子敬程公便在前發孤當續發人眾多載資糧為卿後援遂以周瑜程普為左右督與劉備并力逆操時劉備為曹操敗於長坂亦遇魯肅同至樊口戰士及關羽水軍精甲萬餘人劉琦合江夏戰士亦不下

萬餘人以魯肅為贊軍校尉助畫方略進與操遇於赤壁時操軍已有疾疫初一交戰操軍不利引次江北瑜等在南岸瑜部將黃蓋曰今寇衆我寡難與持久操軍方連船艦首尾相接可燒而走也乃取蒙衝鬪艦十艘載燥荻枯柴灌油其中裹以帷幙上建旌旗豫備走舸繫其尾先以書遺操詐云欲降時東南風急蓋以十艦最著前中江舉帆餘以次俱進操軍吏士皆出營立觀指言蓋降去北軍二里餘同時發火火烈風猛船往如箭燒盡北船延及岸上營落頃

之煙燄張天人馬燒溺死者甚衆瑜等率輕銳繼之雷鼙鼓大進北軍大潰操引軍從華容道步走遇泥濘道不通悉使羸卒負草填之騎乃得過蹈藉陷泥中死者甚衆天又大風烈備周瑜水陸並進追至南郡操軍死者大半操乃留曹仁守江陵樂道守襄陽引軍北還

張遼靜輯兵變

漢獻帝建安十二年曹操使張遼屯長社臨發軍中有謀反者夜驚亂起火一軍盡擾遼曰勿動是不一

軍盡反必有造變者欲以驚動人耳乃令軍中其不
反者安坐遼將親兵數十人中陣而立俄頃皆定即
得其首謀者殺之

曹操計携超遂

漢獻帝建安十六年初曹操遣鍾繇討張魯而使夏
侯淵等出河東與鍾繇會倉曹屬高柔諫曰大兵西
出韓遂馬超疑為襲已必相扇動宜先招集三輔三
輔苟平漢中可傳檄而定也操不從關中諸將果疑
之馬超韓遂等十部皆反其衆十萬屯據潼關七月

操自將擊之八月至潼關潛遣二將渡蒲阪津據河
西為營閏月操北渡河兵衆先渡操自與虎士百餘
人留南岸斷後馬超將步騎萬餘人攻之矢下如雨
操猶據胡床不動許褚扶操上船船中流矢死褚
左手舉鞍蔽操右手刺船校尉丁斐放牛馬以餌賊
賊亂取之操乃得渡遂自蒲阪渡西河循河為甬道
而南超等退拒渭口操乃多設疑兵潛遣兵入渭作
浮橋而夜分兵結營於渭南超等夜攻營伏兵擊破
之九月進軍悉渡超等數挑戰不許固請割地送任

子賈詡以爲可僞許之操復問詡計詡曰離之而已
操曰解韓遂請與操相見操與遂有舊於是交馬語
移時不及軍事但說京都舊故拊手歡笑時秦胡觀
者前後重沓操咲謂之曰爾欲觀曹公邪亦猶人也
非有四目兩口但多智耳既罷超等問遂公何言遂
曰無所言也超等疑之他日操與遂書多所點竄如
遂改定者超等愈疑遂操乃與刻日會戰大破之遂
超奔涼州操追至安定而還諸將問曰初賊守潼關
渭北道缺不從河東擊馮翊而反守潼關引日而後

北渡何也操曰若吾入河東賊必引守諸津則西河
未可渡吾故盛兵向潼關使賊悉衆南守而西河之
備虛故二將得取西河然後引軍北渡賊不能與吾
爭連車樹柵爲甬通而南既爲不可勝且以示弱渡
渭爲堅壘虜至不出所以驕之也故賊不爲營壘而
求割地吾順言許之使不爲備因蓄士卒之力一旦
擊之所謂迅雷不及掩耳兵之變化固非一道也

曹操函教制勝

漢獻帝建安二十五年吳孫權圍魏合肥時張遼李典

樂進將七千餘人屯合肥魏王操之征張魯也為教
與合肥護軍薛悌署函邊曰賊至乃發及是孫權率
衆十萬圍合肥悌發函教曰若孫權至張李將軍出
戰樂將軍守護軍勿得與戰諸將以衆寡不敵疑之
張遼曰公遠征在外比救至彼破我必矣是以教指
及其未合逆擊之折其盛氣以安衆心然後可守也
進等莫對遼怒曰成敗之機在此一戰諸君若疑遼
將獨決之於是夜募敢從之士得八百人椎牛饗士
明旦遼被甲持戟先登陷陣殺數十人斬二大將

呼自名衝壘入至權麾下權大驚不知所為走登高
塚以長戟自守遼叱權下戰權敢動望見遼所將衆
少乃聚圍遼數重遼急擊圍開將麾下數十人得出
餘衆號呼曰將軍棄我乎遼復還突圍拔出餘衆權
人馬皆披靡無敢當者自旦戰至日中吳人奪氣乃
還脩守備衆心遂安權守合肥十餘日撤還兵皆就
道權與諸將在逍遙津北張遼覘望知之即將步騎
奄至甘寧與呂蒙等力戰扞敵凌統率親近扶權出
圍復還與遼戰左右盡死身亦被創度權已免乃還

權乘駿馬上津橋橋南已撤丈餘無板親近監谷利
在馬後使權持鞍緩控利於後著鞭以助馬勢遂得
超度賀齊率二千人在津南迎權由是得免

張飛邀擊張郃

漢獻帝建安二十年張飛爲巴西太守曹公破張魯
留夏侯淵張郃守漢川郃別督諸軍下巴西欲徙其
民於漢中進軍與飛相拒五十餘日飛率精卒萬餘
人從他地邀郃軍交戰山道窄狹前後不得相救飛
遂破郃郃棄馬緣山獨與麾下十餘人從間道退引

軍還南鄭巴土獲安

呂陸謀襲關羽

漢獻帝建安二十二年吳陸口守將魯肅卒以呂蒙
代領其軍與關羽分土接境知羽驍雄有并無心且
居國上流其勢難久初魯肅等以爲曹公尚存禍難
始構宜相輔協與之同仇不可失也蒙乃密陳計策
曰今征虜守南郡潘璋住白帝蔣欽將游兵萬人循
江上下應敵所在蒙爲國家前據襄陽如此何憂於
操何賴於羽且羽君臣於其詐力所在反覆不可以

腹心待也今羽所以未便東向者以至尊聖明蒙等尚存也今不於強壯時圖之一旦僵仆欲復陳力其可得耶權深納其策初至陸口外倍修恩厚與羽結好後羽討樊留兵時備公安南郡蒙上疏曰羽討樊而多留備兵必恐蒙圖其後故也蒙常有病乞分士衆還建業以治病為名羽聞之必撤備兵盡赴襄陽大軍浮江晝夜馳上襲其空虛則南郡可下而羽可擒也遂稱病篤權乃露檄召蒙還陰與圖計權問誰可代者蒙曰陸遜意思深長才堪負重觀其規慮終

可大任而未有過名非羽所忌若用之當令外自譖晦內察形便然後可克權遂以遜代蒙遜至陸口遺書於羽卑詞遜氣以驕其心羽果信之稍撤兵以赴樊魏使于禁救樊羽盡擒禁等人馬數萬託以糧乏擅取湘關米權聞之遂行先遣蒙在前蒙至尋陽盡伏其精兵鱗艦中使白衣搖櫓作商賈人服晝夜兼行至羽所置江邊屯候盡收縛之是故羽不聞知遂到南郡士仁糜芳皆降蒙入據城

趙雲閉營疑敵

漢獻帝建安二十四年曹操自長安出斜谷軍遮要以臨漢中劉備曰曹公雖來無能為也我必有漢川矣乃歛眾拒險終不交鋒操運米北山下黃忠引兵欲取之過期不還趙雲將數十騎出營視之值操揚兵大出雲遂前突其陣且鬪且却魏兵散而復合追至營下雲入營開門偃旗息鼓魏兵疑雲有伏引去雲以勁弩射魏兵魏兵驚駭自相蹂踐墮水死者甚多相守積月魏軍士多亡五月操引兵還長安備遂有漢中

陸遜徙亭破漢

漢昭烈章武二年先主耻關羽之歿自將伐吳孫權命遜督五萬人拒之備從巫峽建平連圍至夷陵界立數十屯以金錦繡賞誘動諸夷使將軍馮習為大督張南為前部趙融廖淳傅彤等各為別督先遣吳班將數千人於平地立營欲以挑戰諸將皆欲擊之遜曰此必有譎且觀之備知其計不行乃引伏兵八千從谷中出遜曰所以不聽諸君擊班者揣之必有巧故也遜上疏曰夷陵要害國之關限雖為易得亦

復易失失之非徒損一郡之地荆州可憂今日爭之
當今必諧備于天常不守窟穴而敢自送臣雖不材
憑奉威靈以順討逆破壞在近且備前後行軍多敗
少成推此論之不足為威臣初嫌之水陸俱進今反
舍船就步處處結營察其布置必無他變伏願至尊
高枕不以為念也諸將竝曰攻備當在初今乃令入
五六百里相銜持經七八月其諸要害皆以固守擊
之必無利矣遜曰備是猾虜更嘗事多其軍始集思
慮精專未可干也今任已久不得我便兵疲意沮計

不復生掎角此寇正在今日乃先攻一營不利諸將
皆曰空殺兵耳遜曰吾已曉破之之術乃敕各持一
把茅以火攻拔之一爾勢成通率諸軍同時俱攻斬
張南馮習及胡王沙摩柯等首破其四十餘營備將
杜路劉寧等窮迫請降備陞馬鞍山陳兵自繞遜督
促諸軍四面蹙之土崩瓦解死者萬數備因夜遁驛
人自擔燒鏡鎧斷後僅得入曰帝城

陸遜輯陸諸將

漢昭烈章武二年吳陸遜奉命領兵禦劉備當時諸

將軍或是孫策時舊將或公室貴戚各自矜恃不相聽從遂按劍曰劉備天下知名曹操所憚今在境界此強對也諸君竝荷國恩當相輯睦共剪此虜上報所受而不相順非所謂也僕雖書生受命主上國家所以屈諸君使相承望者以僕有尺寸可稱能忍辱負重故也各任其事豈復得辭軍令有常不可犯也及至破備計多出遂諸將乃服權聞之曰君何以初不啓諸將違節度者邪遂對曰受恩深重任過其才又此諸將或任腹心或堪爪牙或是功臣皆國家所

當興共克定大事者臣雖駑懦竊慕相如寇恂相下之義以濟國事權大笑稱善加拜遂輔國將軍領荊州牧

孔明七擒孟獲

漢後主建興二年初益州耆帥雍闓殺太守以降吳又執成都守以與吳吳以闓爲永昌太守使郡人孟獲誘扇諸夷皆從之牂牁太守朱褒越嶲夷王高定皆叛應闓諸葛亮以新遭大喪皆撫而不討務農殖穀閉關息民民安食足而後用之建興三年亮率衆

言又半世卷六
二十一
討雍閬參軍馬謖送之亮問謖謖曰南中恃其險遠
不服久矣雖今日破之明日復反耳今公方傾國北
伐以事疆賊彼知官勢內虛其叛亦速若殄盡遺類
以除後患既非仁者之情且又不可倉卒也夫用兵
之道攻心為上攻城次之心戰為上兵戰為下願公
服其心而已亮納其言比至南中所向克捷斬雍閬
孟獲收闔餘衆以拒亮獲素為夷漢所服亮募生致
之既得使觀於營陣之間問曰此軍何如獲曰向者
不知虛實故敗今蒙賜觀營陣若祇如此即定易勝

耳亮咲縱使更戰七縱七擒而亮猶遣獲獲止不去
曰公天威也南人不復反矣亮至滇池益州永昌牂
牁越嶲四郡皆平亮即其渠率而用之悉收其俊傑
孟獲等以為官屬出其金銀丹漆耕牛戰馬以給軍
國之用自是終亮之世夷不復反

孔明再舉伐魏

漢後主建興九年諸葛亮伐魏魏司馬懿屯長安督
諸將軍張郃郭淮等以禦之懿留精兵四千守上邽
餘衆悉救祁山張郃欲分兵駐雍郃懿曰料前軍能

獨當之者將軍言是也若不能當而分兵前後此楚之三軍所以為黥布擒也遂進亮分兵攻祁山自逆懿於上邽魏將郭淮等邀亮亮破之因大芟刈其麥與懿遇於上邽之東懿斂軍依險兵不得交亮引還懿躡其後張郃曰彼遠來逆我請戰不得謂我利在不戰欲以長計制之也且祁山知大軍已在近人情自固可止此於此分為奇兵示出其後不宜進前而不敢偏坐失民望也今亮孤軍食少亦行去矣懿不從至于鹵城又登山掘營不肯戰賈詡魏平數請戰

曰公畏蜀如虎柰天下笑何懿疾之諸將咸請戰乃使張郃攻南圍自案中道向亮亮使魏延等逆擊之魏兵大敗懿還保營亮以糧盡退軍懿遣郃追之至木門與亮戰中伏弩而卒

朱桓計破曹仁

漢後王建興十一年魏曹仁以步騎數萬向濡須先揚聲欲東攻羨溪吳朱桓分兵赴之既行仁以大軍徑進桓聞之追還羨溪兵未到而仁奄至時桓手下及所部兵在者纔五千人諸將業業各有懼心桓

喻之曰凡兩軍交對勝負在將不在衆寡諸君聞曹
仁用兵行師孰與桓邪兵法所以稱客倍而主人半
者謂俱在平原無城隍之守又謂士卒勇怯齊等故
耳今仁既非智勇加其士卒甚怯又千里步涉人馬
罷困桓與諸君共據高城南臨大江北背山陵以逸
待勞爲主制客此百戰百勝之勢雖曹不自來尚不
足憂况仁等邪桓乃偃旗鼓外示虛弱以誘致仁仁
遣其子泰攻濡須城分遣將軍常雕王雙等乘油船
別襲中洲中洲者桓部曲妻子所在也時濟曰賊據

西岸列船上流而兵入洲中是爲自內地獄危亡之
道也仁不從自將萬人留橐臯爲泰等後援桓遣別
將擊雕等而身自拒泰泰燒營退桓遂斬常雕生虜
王雙臨陳殺溺死者千餘人

孫權發兵侵魏

漢後主建興十二年吳主權入居巢湖口向合肥新
城衆號十萬又遣陸遜諸葛瑾入江夏沔口袁陽孫
韶張承入淮向廣陵淮陰魏滿寵欲率兵救新城田
豫曰賊欲質新城以致大軍耳宜聽使攻城挫其銳

氣俟其疲怠然後擊之可大克也若便進兵適入其計矣劉邵曰可先遣步騎數千揚聲進道引出賊後礙其歸路要其糧道賊必震怖遁走不戰自屈矣帝從之寵又欲拔新城守致賊壽春魏主叡不聽曰先帝東置合肥南守襄陽西固祁山賊來輒破於三城之下者地有所必爭也縱權攻新城必不能拔救諸將堅守吾自往征之比至度權已走矣乃使秦朗督騎一萬助司馬懿拒漢救懿但堅守以挫其鋒彼進不得志退無與戰久停則糧盡虜掠無所獲則必走

而退之全勝之道也乃御龍舟而東消寵募壯士焚吳攻具射殺吳王之弟子恭又吳吏士多疾疫魏主叡未至數百里疑兵先至吳主權聞之遂遁孫韶亦退陸遜遣人奉表於權爲魏邏者所得諸葛瑾聞之甚懼與遜書速其去遜未荅方催人種葑豆與諸將奕射戲如常瑾自来見遜遜曰今兵將意動且將自定以安之施設變術然後出耳今若便退賊謂吾懼而來相蹙必敗之勢也乃密與瑾立計瑾督舟船遜悉上馬以向襄陽城魏人素憚遜名遽還赴城瑾便

引舡出遼徐整部伍張聲勢步趨舡魏人不敢逼

司馬懿平遼東

漢後主延熙元年魏司馬懿伐遼東六月懿軍至遼東界公孫淵使其將卑衍等將步騎數萬屯遼遂圍塹二十餘里諸將欲擊之懿曰賊所以堅壁欲老吾兵也攻之正墮其計且賊大衆在此其巢穴空虛直指襄平破之必矣乃多張旗幟欲出其南衍等盡銳趨之懿潛濟水出其北直趨襄平行等恐引兵夜走諸軍進至首山淵復使衍等逆戰懿擊大破之遂進

圍襄平秋七月大霖雨遼水暴漲運船自遼口徑至城下雨月餘不止平地水數尺二軍恐欲移營懿令軍中敢有言徙者斬都督令史犯令斬之軍中乃定賊恃水樵牧自若諸將欲取之懿皆不聽陳珪曰昔攻上庸八部竝進晝夜不息故能旬之半拔堅城斬孟達今者遠來而更安緩愚竊惑焉懿曰達衆少而食支一年壯士四倍於達而糧不淹月以一月而攻一年安得不速以四擊一正令失半而克猶當爲之是以不計死傷與糧兢也今賊衆寡賊饑我飽

水雨乃爾功力不設雖當促之亦何所爲自發京師
不憂賊攻但恐賊走今賊糧垂盡而圍落未合掠其
牛馬抄其樵采此固驅之走也夫兵者詭道善因事
變賊憑衆恃水故雖饑困未肯束手當示無能以安
之取小利以驚之非計也雨霽懿乃合圍淵窘急糧
盡人相食既而城潰淵將數百騎突圍走懿擊斬之
遂入其城誅其公卿以下及兵民七千餘人築爲京
觀遼東帶方樂浪玄菟四郡皆平

鄧艾鍾會襲漢

漢後主炎興元年魏大舉入寇秋鄧艾督二萬餘人
自狄道趨甘松沓中以綴姜維諸葛緒督二萬餘人
自祁山趨武街橋頭絕維歸路鍾會統十萬衆分從
斜谷駱谷子午谷趨漢中以衛瓘持節監軍事行鎮
西軍司八月軍發洛陽陳師誓衆漢遣虜化爲姜維
繼援張翼董厥等詣陽安關口爲諸圍外助大赦改
元敕諸圍不得戰退保漢樂二城鍾會率諸軍平行
至漢中使李輔荀愷將兵圍二城徑趨陽安口遣人
祭諸葛亮墓使護軍胡烈爲前鋒攻關口守將傅僉

戰死會遂長驅而前大得庫藏積穀維聞會已入漢
中引兵還艾遣兵追躡於疆川口大戰維敗走還至
陰平合衆欲赴關城聞其已破趨白水遇化翼厥等
合兵守劍閣以拒會艾進至陰平欲與諸葛緒自江
由趨成都緒以本受節度邀姜維西行非本詔遂引
兵向白水與會合會欲專軍勢密白緒畏懦不進檻
車徵還軍悉屬會維列營守險會攻之不能克糧道
險遠軍乏食欲引還艾上言賊已摧折宜遂乘之若
從陰平由邪徑經漢德陽亭趨涪出劍閣西百里去

成都三百里奇兵衝其腹心劍閣之守必還赴涪則
會方軌而進如其不還則應涪之兵寡矣遂自陰平
行無入之地七百餘里鑿山通道造作橋閣山高谷
深又糧運將匱頻於危殆艾以氊自裹推轉而下將
皆攀木緣崖魚貫而進先登至江油守將馬邈降諸
葛瞻督諸軍拒艾至涪不進尚書郎黃崇屢勸瞻速
行據險無令敵入平地再三至於流涕瞻不從艾遂
長驅而前瞻退任綿竹列陣以待艾以書誘瞻降瞻
怒斬艾使列陣以待艾將忠暴破之遂斬瞻及黃崇

諸史評略卷之六
瞻子尚歎曰父子荷國重恩不早斬黃皓使敗國殄
民用生何策焉冒陳而死瞻亮子也漢不意魏兵卒
至不為城守調度艾已入平地帝會群臣議降

諸史評略卷之六畢

陛下尚歎曰父老存國重恩不早斬黃龍使敗國於
民用生何策焉言陳而死賒死子也漢不意魏兵卒
至不為城守調度文亡入平地帝會群臣議降

詩史粹編卷之六

